

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 18 MEI 2015, PUKUL 10.00 PAGI

Bil. 21

MENGANGKAT SUMPAH

PERTANYAAN-PERTANYAAN BAGI JAWAB LISAN

1. PR-1332-L68096
Dato' Sri Azalina binti Dato' Othman Said [Pengerang] minta **PERDANA MENTERI** menyatakan sejauh manakah pergerakan pendapatan per kapita rakyat sejajar dengan Ekonomi Malaysia yang dilaporkan telah berkembang dengan purata lebih lima peratus sepanjang 15 tahun sekali pun berdepan dengan kejatuhan harga komoditi utama dan tekanan ke atas ringgit.
2. PR-1332-L69387
Tuan Mohamed Azmin bin Ali [Gombak] minta **MENTERI PERTANIAN DAN INDUSTRI ASAS TANI** menyatakan apakah punca hanya RM 1.6 juta yang digunakan daripada RM 8 juta yang diperuntukkan untuk Orang Asli menerusi TEKUN walaupun telah dilancarkan sejak 2 tahun lalu.
3. PR-1332-L68843
Dato' Shamsul Anuar bin Haji Nasarah [Lenggong] minta **MENTERI KEWANGAN** menyatakan :-
 - (a) kesan langsung pelaksanaan GST pada ekonomi negara terutama peniaga dan rakyat bawahan sejak dilaksanakan; dan
 - (b) bagaimana Kementerian atasi penipuan dan penyelewengan oleh peniaga ke atas pengguna.
4. PR-1332-L68172
Tuan Nga Kor Ming [Taiping] minta **MENTERI KEWANGAN** menyatakan berapa jumlah hutang negara sebenar setakat April, 2015 dan apakah langkah Kerajaan untuk mengurangkan ledakan hutang yang semakin menggunung.

5. PR-1332-L67728
Dato' Haji Irmohizam bin Haji Ibrahim [Kuala Selangor] minta **PERDANA MENTERI** menyatakan sejauh manakah Kerajaan akan mengkaji cadangan untuk mewujudkan zon keselamatan di sepanjang perbatasan Malaysia-Thailand seperti yang telah dilaksanakan di Zon Timur Sabah sebelum keadaan melarat ke tahap yang mendesak untuk bertindak sedemikian.
6. PR-1332-L67599
Dato' Takiyuddin bin Hassan [Kota Bharu] minta **PERDANA MENTERI** menyatakan :-
 - (a) apakah langkah Kerajaan untuk memupuk sikap bencikan rasuah di kalangan pelajar sekolah dan institusi pengajian tinggi di Malaysia; dan
 - (b) bilakah Kerajaan akan melantik Ketua Pesuruhjaya SPRM mengikut Perlembagaan Persekutuan seperti pelantikan hakim-hakim, Peguam Negara dan Ketua Audit Negara.
7. PR-1332-L69410
Dato' Noraini binti Ahmad [Parit Sulong] minta **MENTERI LUAR NEGERI** menyatakan mekanisme yang akan digunakan oleh Kerajaan bagi memastikan rakyat terutama di kawasan luar bandar lebih bersedia dan memahami aspirasi Kerajaan dan kepentingan pembentukan Komuniti ASEAN yang dijangka akan bermula pada akhir tahun ini.
8. PR-1332-L68590
Puan Nurul Izzah binti Anwar [Lembah Pantai] minta **MENTERI PERDAGANGAN ANTARABANGSA DAN INDUSTRI** menyatakan :-
 - (a) status terkini Analisis Kos Faedah TPPA; dan
 - (b) apakah rancangan Kerajaan dalam memastikan kepentingan rakyat terjamin, terutamanya syarikat-syarikat Bumiputera untuk bersaing dengan syarikat-syarikat gergasi antarabangsa sekiranya perjanjian ini ditandatangani kelak.
9. PR-1332-L67989
Dr. Noor Azmi bin Ghazali [Bagan Serai] minta **PERDANA MENTERI** menyatakan Malaysia kini berada di pusingan lima tahun terakhir ke arah menjadi sebuah negara maju dan berpendapatan tinggi. Sejauh manakah pencapaian hingga sekarang dari sudut pendapatan dan juga kecanggihan ekonomi negara dan adakah Malaysia sudah mempunyai tahap pengetahuan, daya inovasi dan daya saing yang boleh meletakkan Malaysia setanding dengan negara maju yang lain.
10. PR-1332-L68235
Tuan Sim Chee Keong [Bukit Mertajam] minta **MENTERI PENDIDIKAN** menyatakan bilakah mekanisme pembayaran PTPTN mengikut pendapatan penghutang akan dilaksanakan.

11. PR-1332-L67504
Tuan Khoo Soo Seang [Tebrau] minta **PERDANA MENTERI** menyatakan apakah langkah-langkah yang dilaksanakan oleh Kerajaan untuk memastikan orang ramai lebih berhati-hati dengan spekulasi dan pemalsuan maklumat mengenai projek PR1MA.
12. PR-1332-L69101
Tuan Oscar Ling Chai Yew [Sibu] minta **MENTERI DALAM NEGERI** menyatakan bagaimana mendapatkan Student Pass untuk kanak-kanak yang tidak ada kewarganegaraan Malaysia dan juga mana-mana kewarganegaraan lain atau tidak ada passport dan dokumen lain.
13. PR-1332-L68689
Datuk Mas Ermieyati binti Samsudin [Masjid Tanah] minta **MENTERI PERTANIAN DAN INDUSTRI ASAS TANI** menyatakan impak yang telah diberikan oleh Program Turun Harga Pasar Tani yang telah diperkenalkan oleh Kementerian baru-baru ini dan sejauh mana tempoh program ini akan diteruskan.
14. PR-1332-L69233
Dato' Seri Abdul Hadi bin Awang [Marang] minta **PERDANA MENTERI** menyatakan apakah langkah yang diambil oleh Kerajaan untuk meredakan isu sensitif seperti kaum dan agama yang boleh menimbulkan ketegangan dalam masyarakat.
15. PR-1332-L69142
Dato' Seri Tiong King Sing [Bintulu] minta **MENTERI KEWANGAN** menyatakan apakah langkah-langkah Kerajaan dalam memastikan Ringgit Malaysia sentiasa berdaya saing di pasaran global bagi menjamin kestabilan industri tempatan.
16. PR-1332-L68325
Tuan Shamsul Iskandar bin Mohd Akin [Bukit Katil] minta **MENTERI PEMBANGUNAN WANITA, KELUARGA DAN MASYARAKAT** menyatakan adakah agenda memperkasa orang kurang upaya tidak menjadi agenda primer bila mana Jabatan Pembangunan Orang Kurang Upaya tidak diberikan taraf Ketua Pengarah di peringkat Kementerian.
17. PR-1332-L68913
Datuk Noor Ehsanuddin bin Mohd Harun Narrashid [Kota Tinggi] minta **PERDANA MENTERI** menyatakan apakah langkah-langkah Kerajaan menangani isu Perlarian Rohingya.
18. PR-1332-L69125
Dato' Dr. Mujahid Yusof Rawa [Parit Buntar] minta **PERDANA MENTERI** menyatakan berapakah jumlah tangkapan aktiviti penyeludupan yang berjaya dilaksanakan oleh Agensi Penguatkuasaan Maritim Malaysia di kawasan berhampiran Parlimen Parit Buntar dan apakah jenis penyeludupan dan tindakan yang dilakukan oleh pihak berkuasa terbabit.

19. PR-1332-L67774
Datuk Seri Panglima Haji Abdul Ghapur bin Haji Salleh [Kalabakan] minta **MENTERI DALAM NEGERI** menyatakan :-
- (a) apakah benar dakwaan bahawa jumlah anggota polis di Tawau tidak mencukupi untuk memantau dan membanteras jenayah di Tawau dengan efektifnya; dan
 - (b) jika benar, apakah pelan tindakan Kementerian untuk mengatasi kekurangan ini.
20. PR-1332-L67489
Puan Siti Zailah binti Mohd Yusoff [Rantau Panjang] minta **MENTERI KEWANGAN** menyatakan kedudukan hutang negara dalam dan luar negara terkini berbanding dengan KDNK serta kesan penurunan nilai ringgit serta Indeks Harga Pengguna (CPI) terkini.
21. PR-1332-L68485
Ir. Shaharuddin bin Ismail [Kangar] minta **MENTERI BELIA DAN SUKAN** menyatakan adakah Kementerian bercadang untuk mewujudkan “Laman Belia” di kawasan Parlimen Kangar yang berfungsi sebagai platform kepada golongan belia melakukan aktiviti riadah dan sukan serta rekreasi di sebuah kawasan khas serta boleh dijadikan sebagai model sekiranya ia berjaya menjadi tempat berkumpul secara sihat golongan muda masa kini.
22. PR-1332-L67655
Laksamana Pertama Mohamad Imran bin Abd Hamid (B) [Lumut] minta **MENTERI KESIHATAN** menyatakan langkah-langkah membasmi tibi setelah mendapati tujuh (7) pelajar Kolej Matrikulasi Johor dijangkiti wabak ini, begitu juga dengan kematian Dr. Iskandar Rosli di Hospital Sungai Buloh yang dikatakan disebabkan penyakit ini.
23. PR-1332-L68292
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI DALAM NEGERI** menyatakan usaha-usaha yang akan dijalankan bagi memaksimumkan aplikasi MyKad untuk urusan harian.
24. PR-1332-L67646
Datuk Haji Shabudin bin Yahaya [Tasek Gelugor] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah status berkenaan caj perkhidmatan yang dikenakan oleh pihak restoran atau hotel dan sejauh manakah usaha Kerajaan dalam memastikan rakyat tidak membayar lebih akibat dari pengenaan caj perkhidmatan ini.
25. PR-1332-L69171
Tuan Sim Tong Him [Kota Melaka] minta **PERDANA MENTERI** menyatakan sejak tahun 2000 hingga tahun 2015, berapakah Laporan Suruhanjaya Hak Asasi Manusia Malaysia (SUHAKAM) yang telah dibentangkan kepada Parlimen dan di antaranya berapa laporan yang dapat dibahas oleh Ahli Parlimen dan nyatakan cadangan yang dikemukakan dan tindakan yang telah diambil.

26. PR-1332-L69007
Tuan Haji Hasbi bin Haji Habibollah [Limbang] minta **MENTERI KEMAJUAN LUAR BANDAR DAN WILAYAH** menyatakan pertimbangan untuk membina sebuah Kolej MARA di Parlimen Limbang sebagai pemangkin untuk melahirkan modal insan dari kawasan utara Sarawak.
27. PR-1332-L69071
Datuk Bung Moktar bin Radin [Kinabatangan] minta **MENTERI PENDIDIKAN** menyatakan perancangan pihak Kementerian dalam mewujudkan sebuah kolej komuniti di Kinabatangan memandangkan terdapatnya keperluan dan permintaan. Tapak bagi tujuan pembinaan kolej komuniti ini adalah tersedia. Ini adalah selaras dengan dasar Kementerian Pendidikan bagi “1 Kolej Komuniti, 1 Parlimen”.
28. PR-1332-L67628
Dato' Wira Othman bin Abdul [Pendang] minta **PERDANA MENTERI** menyatakan berapakah perbelanjaan untuk Orkestra Philharmonic dan perlumbaan F1 oleh PETRONAS dibandingkan dengan perbelanjaan untuk membantu usahawan bumiputera.
29. PR-1332-L67922
Datuk Haji Datu Nasrun bin Datu Mansur [Silam] minta **MENTERI PENGANGKUTAN** menyatakan bilakah projek penaiktarafan Lapangan Terbang Lahad Datu untuk kegunaan TUDM dibawah ESSCOM akan dapat dilaksanakan, memandangkan perkara ini telah diumumkan dalam Bajet 2015.
30. PR-1332-L68758
Dr. Tan Seng Giaw [Kepong] minta **MENTERI DALAM NEGERI** menyatakan kerjasama antarabangsa dan keberkesanannya untuk menangani golongan militan.
31. PR-1332-L69369
Datuk Juslie bin Ajirol [Libaran] minta **MENTERI KEMAJUAN LUAR BANDAR DAN WILAYAH** menyatakan tindakan segera memodenkan sektor luar bandar melalui penambahbaikan infrastruktur, menyediakan persekitaran kondusif dan menggalakkan pelaburan supaya kawasan luar bandar dapat ditransformasikan sebagai pusat industri, sekali gus berupaya menjana peluang pekerjaan industri.
32. PR-1332-L68130
Dr. Ong Kian Ming [Serdang] minta **MENTERI PENDIDIKAN** menyatakan jumlah bayaran yang dibuat kepada perunding dalam penyediaan Pelan Pembangunan Pendidikan Negara (Pengajian Tinggi) 2015-2025.
33. PR-1332-L68001
Tuan V. Sivakumar [Batu Gajah] minta **MENTERI KESIHATAN** menyatakan sama ada Kerajaan bercadang untuk membina sebuah klinik kesihatan di Pekan Pusing, Batu Gajah di bawah Rancangan Malaysia Ke Sebelas. Jika ya, nyatakan lokasi, jumlah peruntukan dan langkah-langkah yang telah diambil setakat ini berhubung dengan projek berkenaan.

34. PR-1332-L67814
Datuk Sapawi bin Ahmad Wasali [Sipitang] minta **MENTERI KEWANGAN** menyatakan apakah bentuk aduan dan rungutan utama yang dibuat oleh pengguna sejak GST dilaksanakan 1 April lalu dan apakah langkah-langkah penambahbaikan yang sudah diambil setakat ini.
35. PR-1332-L69340
Ust. Datuk Dr. Mohd. Khairuddin bin Aman Razali [Kuala Nerus] minta **MENTERI DALAM NEGERI** menyatakan bilangan pekerja asing berdaftar dan tanpa izin di negeri-negeri di Malaysia dan bilangan mereka mengikut sektor-sektor.
36. PR-1332-L69239
Dato' Kamarudin bin Jaffar [Tumpat] minta **MENTERI PENGANGKUTAN** menyatakan berapakah jumlah penumpang yang menggunakan tiap-tiap satu lapangan terbang Alor Setar, Johor Baharu, Kota Bharu dan Kuala Terengganu pada suku pertama 2015.
37. PR-1332-L68909
Tuan Haji Ahmad Lai bin Bujang [Sibuti] minta **MENTERI PERTANIAN DAN INDUSTRI ASAS TANI** menyatakan apakah manfaat yang boleh diberikan dengan kewujudan Argo Bazaar Rakyat 1Malaysia dan Pasar Komuniti dan Karavan (PAKAR) terutamanya kepada penduduk luar bandar.
38. PR-1332-L69148
Tuan Chua Tian Chang @ Tian Chua [Batu] minta **MENTERI DALAM NEGERI** menyatakan adakah siasatan polis mendapati apakah peranan wanita Kyrgyz Aidana Baizieva dalam penerbangan helikopter M GB itu, adakah dia seorang pembantu juruterbang amatir yang dijemput oleh juruterbang Clifford Fournier.
39. PR-1332-L67831
Dato' Haji Mohd Zaim bin Abu Hasan [Parit] minta **PERDANA MENTERI** menyatakan statistik kakitangan perkhidmatan awam yang telah diisytiharkan mufliis semenjak tahun 2010. Apakah langkah tindakan Kerajaan bagi memastikan masalah ini tidak lagi berlaku di kalangan penjawat awam.
40. PR-1332-L69325
Tuan Mohamed Hanipa bin Maidin [Sepang] minta **MENTERI LUAR NEGERI** menyatakan :-
- (a) adakah Kerajaan akan membuat apa-apa bantahan rasmi secara lisan dan bertulis ke atas Kerajaan Bangladesh sebelum atau selepas hukuman bunuh ke atas pemimpin Jamaat Islami Bangladesh, Muhammad Kamaruzzaman dilaksanakan pada 11 April 2015; dan
 - (b) jika ya, bila bantahan tersebut dibuat dan apakah respon Kerajaan Bangladesh, dan jika tidak, mengapakah tidak ada bantahan dibuat.

41. PR-1332-L69043
Tuan Ng Wei Aik [Tanjong] minta **MENTERI KEWANGAN** menyatakan bilangan premis perniagaan yang telah diperiksa, aduan yang telah diterima, notis dan kompaun yang telah dikeluarkan, tindakan mahkamah termasuk jenis tindakan yang telah diambil terhadap peniaga-peniaga yang melanggar Akta Cukai Barangan dan Perkhidmatan 2014 sejak GST dilaksanakan pada 1 April 2015.
42. PR-1332-L68225
Tuan Julian Tan Kok Ping [Stampin] minta **MENTERI DALAM NEGERI** menyatakan jumlah serta jenis kes yang dikenakan siasatan atas Akta Hasutan (Sedition Act) semenjak ianya dikuatkuasakan. Dalam senarai, kategorikan juga ahli politik serta aktivis yang akan mahupun disiasat.
43. PR-1332-L69285
Tuan Idris bin Haji Ahmad [Bukit Gantang] minta **MENTERI PENDIDIKAN** menyatakan apakah status terkini pembinaan Kampus Universiti Islam Malaysia Cyberjaya dan apakah kursus yang ditawarkan setakat ini.
44. PR-1332-L67931
Datuk Wee Jeck Seng [Tanjong Piai] minta **MENTERI KEWANGAN** menyatakan :-
- (a) berapakah jumlah angka yang telah dijimatkan melalui usaha 11 langkah penjimatan perbelanjaan di sektor awam; dan
 - (b) bagaimana pengukuran dibuat untuk menentukan sama ada sasaran berjaya dicapai atau tidak
45. PR-1332-L69333
Tuan Zairil Khir Johari [Bukit Bendera] minta **MENTERI PENDIDIKAN** menyatakan mengapa peperiksaan pusat amali sains bagi Fizik, Kimia, Biologi dan Sains Tambahan SPM yang sepatutnya dilaksanakan tahun ini telah ditangguhkan sehingga tahun 2016.
46. PR-1332-L68990
Dato' Henry Sum Agong [Lawas] minta **PERDANA MENTERI** menyatakan pendirian Kerajaan berhubung cadangan menggunakan perkataan 'Dayak' menggantikan bangsa lain-lain' di bawah Perlembagaan Malaysia Perkara 16.
47. PR-1332-L68868
Tuan Fong Kui Lun [Bukit Bintang] minta **PERDANA MENTERI** menyatakan apakah hasil siasatan sepenuhnya oleh Ketua Audit Negara berhubung akaun dan kewangan 1MDB dan apakah hasil penemuan siasatan tersebut.
48. PR-1332-L68670
Tuan Mohd Rafizi bin Ramli [Pandan] minta **MENTERI KEWANGAN** menyatakan secara terperinci pelaburan dan pegangan (ekuiti, bon, pinjaman dan lain-lain) oleh KWSP dan KWAP di dalam 1MDB dan anak-anak syarikatnya (termasuk bekas anak syarikat iaitu SRC International Sdn. Bhd.) setakat 31 Mac 2015.

49. PR-1332-L69109
Tan Sri Dato' Seri Abd Khalid bin Ibrahim [Bandar Tun Razak] minta **MENTERI PENDIDIKAN** menyatakan sejauh manakah Pelan Pembangunan Pendidikan Malaysia 2013-2015 boleh mempertingkatkan standard pendidikan nasional terutama dalam menangani kebimbangan awam sebagaimana yang digambarkan oleh Bank Dunia "kemerunduman mutu pendidikan Malaysia lebih mengugurkan daripada kenaikan paras hutang isi rumahnya".
50. PR-1332-L68755
Tuan Gooi Hsiao-Leung [Alor Setar] minta **PERDANA MENTERI** menyatakan sama ada Ahli-Ahli Parlimen yang telah bersara akan menerima kenaikan pencen pada kadar yang sama dengan kenaikan gaji baru Ahli-Ahli Dewan Rakyat seperti diamalkan dulu dengan kelulusan Rang Undang-Undang Ahli Parlimen (Saraan) (Pindaan) 2014.
51. PR-1332-L68390
Tuan Lim Guan Eng [Bagan] minta **MENTERI DALAM NEGERI** menyatakan sebab abang kepada Ketua Polis Negara dan para demonstrasi yang menentang Gereja di Taman Medan, Petaling Jaya tidak ditahan, digari dan direman sebagaimana dikenakan ke atas pemimpin Pakatan Rakyat dan wartawan Malaysian Insider sebelum ini. Apakah tindakan polis ke atas protes ini.
52. PR-1332-L68274
Puan Teresa Kok Suh Sim [Seputeh] minta **MENTERI WILAYAH PERSEKUTUAN** menyatakan bila dan sebab DBKL menjual tanah 2 ekar di lot 37890 di Jalan Radin Anum 1, Sri Petaling kepada pihak swasta. Siapakah pembeli tanah dan apakah harga penjualan tanah tersebut dan rancangan DBKL di atas tapak tersebut.
53. PR-1332-L68957
Tuan R. Sivarasa [Subang] minta **MENTERI DALAM NEGERI** menyatakan status siasatan laporan polis Bidor/002063/13 oleh Rajamah a/p Pachiappan, ibu kepada Murugan Kandasamamy, mantan pegawai khas kepada calon PKR di Kawasan Parlimen Tapah, En. Vasantha Kumar a/l Krishnan yang dibunuh tempoh kempen PRU itu selepas menerima ugutan politik daripada orang-orang yang tidak dikenali.
54. PR-1332-L68161
Dato' Ir. Haji Nawawi bin Ahmad [Langkawi] minta **MENTERI KEWANGAN** menyatakan apakah Kerajaan bercadang untuk membenarkan anak muda yang belum berkahwin untuk mengeluarkan sebahagian wang simpanan KWSP untuk mereka melangsungkan perkahwinan.
55. PR-1332-L69056
Tuan Chong Chieng Jen [Bandar Kuching] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apa sebabnya walaupun harga diesel yang dijual di stesen petrol adalah tanpa sebarang subsidi, harga diesel industri adalah lebih mahal daripada harga diesel di stesen petrol.

56. PR-1332-L68018
Dato' Mohd Ariff Sabri bin Abdul Aziz [Raub] minta **MENTERI PENGANGKUTAN** menyatakan :-
- (a) apakah tindakan yang diambil ke atas kontraktor yang lewat menyiapkan projek seperti yang dikeluarkan tender oleh KLIA yang berjumlah RM2 bilion ini dan siapakah kontraktor ini; dan
 - (b) apakah tindakan yang diambil keatas pegawai dan juru runding yang menyumbang kepada "*cost overruns*" ini.
57. PR-1332-L68192
Tan Sri Datuk Seri Panglima Annuar bin Musa [Ketereh] minta **MENTERI KESIHATAN** menyatakan bilakah Pusat Kesihatan Kok Lanas akan disiapkan dan mengapakah setelah sekian lama projek ini belum dimulakan.
58. PR-1332-L68337
Tuan Wong Chen [Kelana Jaya] minta **MENTERI PERUSAHAAN PERLADANGAN DAN KOMODITI** menyatakan :-
- (a) berapakah jumlah subsidi biodiesel yang telah diberikan pada tahun 2014 dan berapakah jumlah yang dijangka akan diberikan untuk tahun 2015; dan
 - (b) berapakah jumlah yang telah dibayar kepada syarikat-syarikat petrol untuk mensubsidi B7 untuk tahun 2014.
59. PR-1332-L68051
Dr. Ko Chung Sen [Kampar] minta **MENTERI DALAM NEGERI** menyatakan :-
- (a) bilangan anggota polis dan bajet yang diperuntukkan setiap tahun kepada unit D5 baru yang menyiasat kes-kes berkaitan dengan hasutan; dan
 - (b) adakah kesemua 126,000 anggota polis kini ditugaskan untuk memantau laman media sosial bagi mengenal pasti '*posting*' yang berunsur hasutan.
60. PR-1332-L68463
Tuan William Leong Jee Keen [Selayang] minta **PERDANA MENTERI** menyatakan sama ada Kerajaan akan memansuhkan hukuman mati mandatori dalam masa terdekat dan adakah pelaksanaan hukuman mati digantung pada sementara waktu keputusan dibuat.
61. PR-1332-L67553
Datuk Madius Tangau [Tuaran] minta **MENTERI KEWANGAN** menyatakan langkah-langkah penguatkuasaan yang telah diambil untuk menangani mereka yang menyalahgunakan pelaksanaan Cukai Barangan dan Perkhidmatan (GST) di Sabah, serta usaha-usaha yang dibuat agar sistem cukai yang baru itu mencapai sasaran yang sewajarnya.

62. PR-1332-L69416

Tuan Manivanan a/l Gowindasamy [Kapar] minta **MENTERI BELIA DAN SUKAN** menyatakan :-

- (a) langkah-langkah Kerajaan untuk memperbaiki dan memartabatkan sukan Bolasepak akibat kegagalan di peringkat antarabangsa dan kemerosotan dari sudut prestasi serta kedudukan ranking semasa FIFA yang menjunam di mana skuad Harimau kini berada di kedudukan yang terendah pernah dicapai dalam bola sepak dunia iaitu tempat ke 164 daripada 209 buah negara; dan
- (b) jumlah pemain sukan negara yang pernah terlibat dengan kes makan ubat tidak diizinkan dari tempoh masa 1971 hingga 1980, 1981 hingga 1990, 1991 hingga 2000, 2001 hingga 2010 dan 2011 hingga 15 Mei 2015 serta langkah-langkah Kerajaan untuk menangani isu sebegini pada masa depan.

63. PR-1332-L67638

Datuk Joseph Salang anak Gandum [Julau] minta **MENTERI PENDIDIKAN** menyatakan nama beberapa buah sekolah yang dicadangkan untuk disatukan dengan beberapa buah sekolah yang telah usang, kurang murid dan didapati sekarang sangat berdekatan kerana mode perhubungan ke sekolah telah bertukar dari sungai (perahu) ke jalan darat (kenderaan).

64. PR-1332-L68875

Puan Hajah Normala binti Abdul Samad [Pasir Gudang] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah tindakan yang diambil kepada peniaga, pembekal, pemborong dan pengilang sekiranya tidak mematuhi Panduan Harga Pengguna yang telah dikeluarkan oleh pihak Kementerian dan berapakah jumlah tangkapan yang telah dibuat mengikut negeri.

65. PR-1332-L68113

Tuan Tan Kok Wai [Cheras] minta **MENTERI KEWANGAN** menyatakan jumlah lesen kelab mesin slot dan lesen mesin slot dalam kelab di setiap negeri yang dipulihkan dari tahun 2014 hingga 30 April 2015 walaupun tempoh kesahan (validity) lesen-lesen itu telah tamat. Jika benar, apakah sebab lesen kelab-kelab dan mesin slot tersebut dapat dipulihkan.

66. PR-1332-L67877

Dr. Michael Jeyakumar Devaraj [Sungai Siput] minta **MENTERI DALAM NEGERI** menyatakan senarai pusat-pusat tahanan imigresen yang wujud di Malaysia dengan memberi bilangan orang tahanan di tiap satu pusat pada Disember 2014 serta pecahan kewarganegaraan dan jantina orang tahanan itu.

67. PR-1332-L68667

Datuk William @ Nyallau anak Badak [Lubok Antu] minta **MENTERI DALAM NEGERI** menyatakan tindakan yang diambil bagi membanteras kegiatan judi haram contohnya wujudnya premis menjalankan kegiatan mesin judi haram di kawasan Lubok Antu kebelakangan ini.

68. PR-1332-L68151
Tuan Che Mohamad Zulkifly bin Jusoh [Setiu] minta **PERDANA MENTERI** menyatakan sejauh mana program latihan kemahiran secara komprehensif yang berasaskan keperluan teknikal dan bukan teknikal melalui institusi-institusi tempatan yang diwujudkan oleh PETRONAS telah berjaya melahirkan tenaga kerja yang berkemahiran tinggi, berkompeten, cemerlang dan mampu bersaing di dalam arena industri hiliran dan gas di peringkat global terutamanya di kalangan anak tempatan.
69. PR-1332-L68426
Puan Kasthuriraani a/p Patto [Batu Kawan] minta **MENTERI DALAM NEGERI** menyatakan mengapakah wujudnya perbezaan dalam kenyataan yang dikeluarkan oleh Ketua Polis Negara dan Menteri Dalam Negeri dalam kes bantahan salib di atas dinding gereja di Taman Medan tanpa apa-apa siasatan dilakukan terlebih dahulu.
70. PR-1332-L68938
Datuk Ikmal Hisham bin Abdul Aziz [Tanah Merah] minta **MENTERI DALAM NEGERI** menyatakan setakat ini berapa ramai rakyat Malaysia terlibat dalam kumpulan militan Negara Islam dan usia mereka.
71. PR-1332-L68183
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI KEWANGAN** menyatakan apakah rasional untuk menggunakan Pembinaan PFI bagi menyalurkan dana untuk projek pembangunan dan bukannya menyalurkan dana melalui saluran konvensional iaitu perbelanjaan pembangunan dalam belanjawan Kerajaan serta nyatakan senarai semua projek termasuklah nama kontraktor, kos dan juga status setiap projek yang telah dibiayai oleh Pembinaan PFI sejak penubuhannya.
72. PR-1332-L67893
Tuan Hee Loy Sian [Petaling Jaya Selatan] minta **MENTERI DALAM NEGERI** menyatakan hasil siasatan dan tindakan ke atas pihak yang mengganggu upacara keagamaan di Gereja Community of Praise, Taman Medan, PJS 2 pada 19 April 2015 lalu.
73. PR-1332-L68050
Dr. Ko Chung Sen [Kampar] minta **MENTERI DALAM NEGERI** menyatakan :-
- (a) bilangan orang yang disiasat, ditahan, didakwa dan disabitkan atas kes menghasut setiap tahun bagi tempoh 5 tahun yang lepas; dan
 - (b) apakah sebab-sebab peningkatan bilangan kes-kes hasutan dan sejauh manakah keberkesanan langkah-langkah yang diambil Kerajaan untuk memupuk toleransi dan keharmonian antara kaum.
74. PR-1332-L68953
Dato' Mansor bin Othman [Nibong Tebal] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan kaedah bagaimana pihak Kerajaan memantau keberkesanan proses pelaksanaan penurunan harga barang sepertimana yang dijanjikan oleh Kerajaan dengan terlaksananya sistem cukai GST 6% .

75. PR-1332-L67744

Datuk Dr. Haji Abd. Latiff bin Haji Ahmad [Mersing] minta **MENTERI PERDAGANGAN ANTARABANGSA DAN INDUSTRI** menyatakan status penurunan harga kereta ekor dari pelaksanaan GST:-

- (a) apakah asas yang digunakan dalam pengiraan penurunan harga; dan
- (b) adakah penurunan harga melibatkan semua pengedar/pengeluar kenderaan.

76. PR-1332-L67901

Tuan Loke Siew Fook [Seremban] minta **PERDANA MENTERI** menyatakan secara terperinci apakah had kelayakan untuk Perdana Menteri, Timbalan Perdana Menteri dan Ahli Jemaah Menteri dalam penggunaan Pesawat Eksklusif Kerajaan.

77. PR-1332-L68391

Tuan Lim Guan Eng [Bagan] minta **MENTERI KEWANGAN** menyatakan sejauh manakah pelaksanaan GST sebanyak 6% telah menambah beban kewangan yang besar kepada rakyat dan memudaratkan pertumbuhan ekonomi dan mengapakah GST dikenakan ke atas projek awam oleh Kerajaan negeri seperti jalan, longkang, pasar, padang hijau dan dewan orang ramai.

78. PR-1332-L68053

Dr. Ko Chung Sen [Kampar] minta **MENTERI DALAM NEGERI** menyatakan :-

- (a) sama ada PDRM sedar tentang kewujudan laman Facebook "Boikot Barangan Cina DAP" (<https://www.facebook.com/BoikotBaranganCinaDapOri>) dan blog yang bertujuan untuk menghasut kebencian terhadap kaum Cina atau DAP; dan
- (b) sama ada ini dianggap menghasut dan apakah tindakan yang telah diambil terhadap mereka yang menguruskan laman web ini dan mereka yang menyebarkan kandungannya.

79. PR-1332-L68745

Puan Rubiah binti Haji Wang [Kota Samarahan] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan secara terperinci hasil tindakan Kementerian dalam menguatkuasakan kenaikan harga barang berikutan terdapat sesetengah pengusaha, pekedai, ataupun peruncit yang menaikkan harga barang sesuka hati dengan alasan pelaksanaan GST.

80. PR-1332-L68710

Tuan Lim Lip Eng [Segambut] minta **MENTERI DALAM NEGERI** menyatakan berapa kali pihak polis telah menghantar pegawai untuk bertemu Sirul Azhar Umar di Australia berhubung kes pembunuhan Altantuya Shaariibuu, nama anggota polis yang dihantar dan tarikh pertemuan itu.

81. PR-1332-L69085
Tuan Abdullah Sani bin Abdul Hamid [Kuala Langat] minta **MENTERI DALAM NEGERI** menyatakan tindakan diambil terhadap pegawai-pegawai polis yang menyalahi hak undang-undang seperti piket yang sah oleh kesatuan sekerja di ambil tindakan oleh pihak polis.
82. PR-1332-L68330
Datuk Jumat bin Idris [Sepanggar] minta **MENTERI KESIHATAN** menyatakan :-
- (a) adakah rakyat Malaysia begitu terdedah dengan penyakit Denggi ; dan
 - (b) apakah cadangan Kementerian dalam menangani isu Denggi ini di kalangan rakyat Malaysia.
83. PR-1332-L69195
Dato' Fauzi bin Abdul Rahman [Indera Mahkota] minta **MENTERI KEWANGAN** menyatakan sebab-sebab kemerosotan nilai Ringgit berbanding dengan mata wang utama dunia serta langkah-langkah cadangan Kerajaan untuk mengembalikan kekukuhan nilai Ringgit. Nyatakan juga kesan-kesan positif dan negatif dari sudut implikasi kepada pengurusan kewangan negara dengan kejatuhan nilai mata wang ini.
84. PR-1332-L69451
Dato' Haji Mahfuz bin Omar [Pokok Sena] minta **PERDANA MENTERI** menyatakan adakah pihak-pihak industri telah dirundingkan sebelum Garis Panduan Hiburan dalam Islam (Edisi Kedua) dikeluarkan dan sama ada pihak Jabatan Agama Islam Wilayah Persekutuan (JAWI) berhasrat menggunakan garis panduan tersebut untuk tujuan penguatkuasaan.
85. PR-1332-L69258
Dr. Mohd Hatta bin Md. Ramli [Kuala Krai] minta **MENTERI PENGANGKUTAN** menyatakan :-
- (a) bilakah perkhidmatan kereta api sektor Dabong-Tumpat akan dipulihkan; dan
 - (b) bilakah perkhidmatan sepenuhnya kereta api KL-Tumpat dijangka dipulihkan.
86. PR-1332-L67542
Dato' Seri Ong Ka Chuan [Tanjong Malim] minta **MENTERI KEWANGAN** menyatakan apakah perancangan Kerajaan untuk menangani masalah hasil daripada penyusutan Ringgit Malaysia berbanding dengan mata wang utama seperti dolar Amerika Syarikat dan dolar Singapura.

87. PR-1332-L68446

Tuan Lim Kit Siang [Gelang Patah] minta **PERDANA MENTERI** menyatakan secara jelas pendirian Kerajaan Persekutuan mengenai cadangan penggubalan undang-undang jenayah Syariah yang tidak serasi dengan peruntukan Perlembagaan Persekutuan dan bertentangan dengan semangat kenegaraan Malaysia dan sama ada beliau bersetuju bahawa sebarang usaha untuk mengubah ketetapan Perlembagaan Persekutuan ini akan memecahbelahkan negara.

88. PR-1332-L69458

Datuk Raime bin Unggi [Tenom] minta **MENTERI KEWANGAN** menyatakan sejauh manakah kecelikan peniaga, usahawan, pembekal, pemborong, pengusaha dan peruncit dalam memahami sistem Cukai Barang dan Perkhidmatan (GST) sejak dilaksanakan 1 April 2015 lalu.

89. PR-1332-L67579

Dato' Johari bin Abdul [Sungai Petani] minta **PERDANA MENTERI** menyatakan :-

- (a) apakah jenis-jenis kursus yang diberikan kepada pegawai-pegawai Kumpulan A Perkhidmatan Awam Malaysia sebelum mereka disahkan dalam perkhidmatan; dan
- (b) sejauh mana elemen membanteras rasuah telah didedahkan kepada mereka agar bukan sahaja mereka tidak mengamalkan rasuah malah menjadi penentang perasuah.

ATURAN URUSAN MESYUARAT DAN USUL-USUL

- | | | | |
|----|----------------|---|-------------------------------|
| 1. | (D.R. 16/2015) | Rang Undang-undang Pasaran Modal dan Perkhidmatan (Pindaan) 2015 | Bacaan Kali Yang Kedua |
| | | [Menteri Kewangan] | |
| 2. | (D.R. 15/2015) | Rang Undang-undang Kumpulan Wang Persaraan (Pindaan) 2015 | “ |
| | | [Menteri Kewangan] | |
| 3. | (D.R. 1/2015) | Rang Undang-undang Ahli Kimia (Pindaan) 2015 | “ |
| | | [Menteri Sains, Teknologi dan Inovasi] | |
| 4. | (D.R. 18/2015) | Rang Undang-undang Antipemerdagangan Orang dan Antipenyeludupan Migran (Pindaan) 2015 | “ |
| | | [Menteri Dalam Negeri] | |
| 5. | (D.R. 19/2015) | Rang Undang-undang Kebajikan Haiwan 2015 | “ |
| | | [Menteri Pertanian dan Industri Asas Tani] | |
| 6. | (D.R. 9/2015) | Rang Undang-undang Kanun Tatacara Jenayah (Pindaan) 2015 | “ |
| | | [Menteri Dalam Negeri] | |
| 7. | (D.R. 12/2015) | Rang Undang-undang Keterangan (Pindaan) 2015 | “ |
| | | [Menteri di Jabatan Perdana Menteri] | |
| 8. | (D.R. 24/2014) | Rang Undang-undang Dadah Berbahaya (Pindaan) (No.2) 2014 | “ |
| | | [Menteri Kesihatan] | |

9. **Perdana Menteri akan mencadangkan :-**

Bahawa Dewan ini,

menyedari akan cabaran pertumbuhan ekonomi serta pencapaian sosioekonomi semasa pelaksanaan Rancangan Malaysia Kesepuluh;

merestui usaha Kerajaan untuk terus melaksanakan Dasar Transformasi Nasional dengan disokong oleh Strategi Pembangunan Nasional Malaysia (MyNDS) sebagai rangka dasar pembangunan untuk merealisasikan matlamat Wawasan 2020;

meluluskan Rancangan Malaysia Kesebelas yang akan dilaksanakan berasaskan enam teras strategik dan enam pemacu perubahan serta peruntukan yang diperlukan bagi mencapai matlamat sebuah negara maju dan inklusif pada tahun 2020, seperti dibentangkan dalam Kertas Perintah CMD.23 Tahun 2015;

Bahawa dalam meluluskan Rancangan Malaysia Kesebelas, Dewan yang mulia ini menyeru seluruh rakyat Malaysia berganding bahu dengan penuh semangat iltizam dan keikhlasan untuk menjayakan matlamat Rancangan ini.”

10. PR-1332-U67740

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat rungutan-rungutan di kalangan rakyat Negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak diendahkan. Dan mengambil maklum juga, antara isu utama yang disuarakan dalam rungutan ini adalah banjir pendatang asing ke Negeri Sabah dan ditambah buruk pula dengan pemberian status warganegara kepada mereka ini. Dan mengambil maklum juga bahawa, Para Pilihan raya Umum Ke-13, Kerajaan Malaysia telah menubuhkan Suruhanjaya Siasatan Diraja mengenai dengan pemberian Kewarganegaraan kepada pendatang asing tanpa izin di Negeri Sabah. Dan mengambil maklum juga bahawa, Laporan Suruhanjaya Siasatan Diraja ini telah pun dibentangkan ke Parlimen tetapi sehingga kini rakyat masih tertanya-tanya apakah tindakan yang telah diambil ke atas hasil siasatan suruhanjaya ini. Dalam hal ini, Kerajaan hendaklah memandang serius akan kesan dan implikasi ketidakpuasan hati rakyat negeri Sabah dalam hal ini.

MAKA, bagi menangani masalah ini, Dewan ini hendaklah mengambil ketetapan bahawa, Kerajaan hendaklah segera mengambil tindakan tegas ke atas mereka yang didapati bersalah dalam isu ini serta mengambil tindakan yang wajar bagi memulihkan kepercayaan rakyat Negeri Sabah kepada kesungguhan Kerajaan Persekutuan untuk mempertahankan kedaulatan negara termasuklah mengeluarkan kad pengenalan baru bagi penduduk negeri Sabah yang tulen."

[Menteri Dalam Negeri]

11. PR-1332-U67741

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kepadatan penduduk dan jumlah kenderaan yang keluar masuk ke kawasan Bandaraya Kota Kinabalu telah meningkat secara mendadak sekali. Dan mengambil maklum juga, kesesakan jalan raya ke Bandaraya Kota Kinabalu telah menjadi serius sehingga menjadi rungutan bukan sahaja penduduk setempat malah juga dari kalangan pelancong dalam dan luar negara. Dan mengambil maklum juga bahawa, seperti bandar-bandar lain yang telah membangun, Bandaraya Kota Kinabalu juga memerlukan satu Sistem Pengangkutan Awam yang efisien, seperti Sistem Aliran Ringan atau Light Rail Transit (LRT) bagi mengatasi masalah di atas. Maka, bagi menangani masalah ini, Dewan yang mulia ini hendaklah mengambil ketetapan bahawa satu system aliran ringan atau light rail transit hendaklah dibina melalui kaedah private finance initiate bagi menghubungkan Bandaraya Kota Kinabalu dengan kawasan sekitarnya."

[Perdana Menteri]

12. PR-1332-U69065

Tuan Ng Wei Aik [Tanjong] akan mencadangkan:-

"Bahawa Dewan ini mengambil ketetapan bahawa segala siasatan dan pendakwaan di bawah Akta Hasutan 1948 terhadap wakil-wakil rakyat, termasuk juga pemimpin-pemimpin parti politik perlu diberhentikan atau digugurkan dengan serta-merta selaras dengan prinsip-prinsip demokrasi yang melindungi kebebasan berucap seseorang rakyat selagi ucapannya tidak menyentuh empat perkara iaitu Institusi Raja, Artikel 152 dan 153 Perlembagaan Persekutuan berkenaan dengan Bahasa Kebangsaan dan hak-hak istimewa Melayu dan hak-hak kerakyatan."

[Menteri Dalam Negeri]

13. PR-1332-U67694

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa banjir telah melanda di beberapa negeri pada baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

[Perdana Menteri]

14. PR-1332-U68783

Dr. Tan Seng Giaw [Kepong] akan mencadangkan:-

"Bahawa Dewan ini membahaskan faktor-faktor yang menyebabkan gerakan militan di Malaysia."

[Menteri Dalam Negeri]

15. PR-1332-U68787

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan langkah-langkah untuk mengatasi pelbagai masalah disebabkan pelaksanaan GST."

[Menteri Kewangan]

16. PR-1332-U69257

Dato' Kamarudin bin Jaffar [Tumpat] akan mencadangkan:-

"Menyedari Bahawa masih terdapat lebih kurang 3,000 orang kakitangan kerajaan yang bergaji di bawah RM850.00 sebulan. Justeru itu Kerajaan diminta untuk menaikkan gaji kakitangan tersebut ke paras melebihi gaji minima negara."

[Perdana Menteri]

17. PR-1332-U69487

Dato' Kamarudin bin Jaffar [Tumpat] akan mencadangkan:-

"Memandangkan satu bencana banjir yang amat luar biasa telah berlaku pada bulan Disember 2014 di Kelantan yang mengakibatkan kerosakan harta benda yang besar dan memusnahkan sekitar 2000 buah rumah kediaman;

Memandangkan bahawa bencana alam adalah tanggungjawab Kerajaan Pusat; dan Memandangkan bulan Ramadhan akan bermula pada 18 Jun 2015, maka Dewan ini mempertimbangkan dengan segera untuk memastikan Kerajaan Pusat dengan kerjasama Kerajaan Kelantan menyiapkan pembinaan rumah-rumah mangsa banjir ini disiapkan sebelum 18 Jun 2015."

[Perdana Menteri]

18. PR-1332-U67593

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, terdapat ketidak cekapan Kementerian Pendidikan dalam mengurus asetnya di mana puluhan unit kuarters di Taman Semarak, Sg Petani ditinggal terbiar, tidak didiami dan telah menjadi sarang penagih dadah. Jika aset ini tidak diselamatkan ianya akan membawa kerugian kepada Kerajaan dan maruah Kementerian akan tercemar. Tindakan serta merta mesti diambil untuk menyelamatkan aset-aset ini."

[Menteri Pendidikan]

19. PR-1332-U67594

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, kebolehan berbahasa Inggeris dikalangan pegawai-pegawai Kumpulan A, Perkhidmatan Awam Malaysia makin menurun. Pihak Kerajaan mestilah mengambil tindakan drastik bagi memperbaiki keadaan dengan memberikan kursus-kursus intensif kepada mereka. Kerajaan juga mesti memasti Pegawai-pegawai Kumpulan A melalui kursus wajib Bahasa Inggeris yang mesti di adakan di INTAN atau mana-mana institusi pengajian tinggi."

[Perdana Menteri]

20. PR-1332-U67595

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, terdapat masalah yang dihadapi oleh pengguna kenderaan bagi mendapatkan lesen memandu bila mereka gagal dalam ujian berkomputer. Kerajaan harus mengkaji semula adakah syarat wajib lulus ujian berkomputer ini masih sesuai dan relevan memandangkan kos yang makin meningkat semasa mengambil ujian ini dan walau pun lulus ujian berkomputer kemalangan jalan raya masih tidak berkurangan."

[Menteri Pengangkutan]

21. PR-1332-U69440

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murah (cheap liquor) secara mudah dan murah yang semakin berleluasa. Gejala pengambilan arak murah ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Kesejahteraan Bandar, Perumahan dan Kerajaan Tempatan]

22. PR-1332-U69441

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

[Menteri Dalam Negeri]

23. PR-1332-U69442

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

UCAPAN-UCAPAN PENANGGUHAN

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 18.5.2015 (Isnin)	1. YB. Tuan Sim Tong Him (Kota Melaka)	1. Jabatan Insolvensi Malaysia (Mdl) Ruj. Tuan : Mdl (WP) 669/2011/1 Penggulungan Syarikat No. 28NCC8-530-2011	1. YAB Perdana Menteri
2. 18.5.2015 (Isnin)	2. YB Tuan Fong Kui Lun (Bukit Bintang)	2. Mencadangkan DBKLewartakan lebih banyak jalan dalam Bandaraya Kuala Lumpur untuk laluan basikal sebagai langkah mengurangkan kesesakan lalu lintas, mengurangkan pencemaran alam sekitar dan menyihatkan warga kota.	2. YB Menteri Wilayah Persekutuan